

Von der Folia XXIII

welches inn allen zugelassen ist worden / Nach dem hat sich ein jeder auff den ordenlichen platz versuegt vñnd da gewart bisz das Turniern an in kumen ist / Ich khan auch hie nicht vnderlassen zuerzelen / wie sich die Herrn Mantenatores (welches ich an allen beruem redt) also Ritterlich vñnd dapffer gehalten / das sie manchen zu boden geschlagen / ire wher / spiesz vñnd schwertter manlich zerbrochen / auch den entgegen die Quenturierer sich dermassen in dem Ritterlichen wheren erzaigt / das kheimer sein gegentheil einen schridt hat wollen weichen.

Volgt die Folia

Nach disem allem / habē sich die Herrn Quenturierer in zwē theil / gethailt auff jede seittē vñ geuerlich dreyundsunffzig / weniger oder mer vñ als baldt die Herrn Richter saen ein zeichen geben / haben sy von stundan / die Folia angehebt / darin Es dan gar vill spiesz gebrochen / Darnach treten sy mit dem schwerttern zusamen vñnd schlugen Ritterlich aufeinander / in dem gethumel vñnd graussamen geschray / haben die hagken schügen / sich nicht gesaumbt / auch für vñnd für abgeschossen zwischen der Folia / das einer het mügen erachten / es were ein rechte Veldtschlacht geschehen.

Nach disem allem / zogen sy inn gleicher ordnung wider weg / wie sie voran herkumen waren.